

# Dermont e Pfäffli a la testa dal cussegl

■ (anr/fa) Ier ha elegì il parlament grischun per la perioda d'uffizi 2015/16 a Vitus Dermont (pcd, Glion) sco nov president ed a Michael Pfäffli (pld, Engiadin'ota) sco vicepresidente dal cussegl grond. Sco proponì da Marcus Caduff (pcd, Lumnezia) en num da la fracziun è vegnì elegì mesemna Vitus Dermont (pcd, Glion) sco nov president dal parlament grischun. Da las 118 vuschs, da quellas eran 8 vidas u nunvalaivlas, e tar ina majoritad absoluta da 56 vuschs ha Dermont survegnì 109 vuschs. Il nov president dal cussegl grond ha 59 onns ed è bab da quatter uffants creschids. Da professiun è el scolast. 12 onns ha Dermont presidià la vischnanca da Laax. Dapi l'onn 2000 è el deputà al cussegl grond. Qua s'ha el engaschà surtut per dumondas da furmaziun, lungatg e cultura. Sco vicepresidente ha proponì *Rudolf Kunz* (pld, Cuira) en num da la fracziun a *Michael Pfäffli* (pld, Engiadin'ota). Da 118 vuschs entradas, da quellas 16 vidas u nunvalaivlas, e tar ina majoritad absoluta da 52 vuschs ha Pfäffli survegnì 100 vuschs. Michael Pfäffli (annada 1962), il qual rapreschenta il circul Engiadin'ota al cussegl grond dapi

onn 2006, è giurist ed interpretider. A San Murezzan maina'l ün affar dad orti-

ventajas e las suleglivas dals vitgs perifers. Per quels ma less jau engaschar. Jau hai entschet mia carriera sco politicher dal turissem. Il temp per il turissem è per il mument fitg grev cun il franc aut, nus stuain cumbatter per mintga turist. Qua vulesch jau era provar da metter accents e render attent a las valurs che nus avain en noss chantun e nizzegiar oravant tut quellas.

*Tgeninas finamiras avais Vos anc per Vossa carriera politica?*

Per il mument patratgel jau mo a quel onn che stat davant porta. Oravant tut less jau m'engaschar per tut las caricas che jau hai per ma preparar bain ed ademplir quellas fitg bain. Ed alura, pir suenter quest onn, studegel jau co ch'i va vinavant.

## „Ina bella renconuschientscha“

CUN VITUS DERMONT  
HA DISCURRÌ FLURIN ANDRY / ANR

*Tge munta questa elecziun sco pli aut Grischun per in onn per Vos?*

**Vitus Dermont:** Igl è ina renconuschientscha per la lavur ch'ins ha presità durant blers onns per la cuminanza e per la politica. Per mai munta quella elecziun ina nova ed ina interessanta sfida. Jau poss durant in onn emprendre a conuscher blera glieud, jau pos manar il parlament e per tut quai ma legrel jau.

*Quals èn ils accents che Vos vulais metter durant quest onn?*

Jau sun in politicher che vegn d'ina regiun ed enconusch las varts sumbri-

cultura. Bundant sis onns ha el presidià la pld grischuna.



Il novelegi parsura Vitus Dermont assistì dal salter Giuli Maissen durant la saramentaziun.